




KOMISIONI I PËRHERSHËM
PËR HULUMTIME AKADEMIKE
DHE FETVA

PARALAJMËRIM KUNDËR THIRRJES
PËR **"BASHKIMIN E FEVE"** DHE
KUNDËR HYRJES NË KONFERENCAT
SIMPOZIUMET DHE ANËTARËSIMIT
NË ATO QARQË QË PROPAGANDOJNË
KËTË THIRRJE





Paralajmërim kundër thirrjes për “bashkimin e feve” dhe kundër hyrjes në konferencat, simpoziumet dhe anëtarësimit në ato qarqe që propagandojnë këtë thirrje

Të gjitha lavdet i takojnë Allahut të vetëm. Lavdërimet dhe paqja qofshin për atë mbas të cilit nuk ka peygamber tjetër, si dhe për Familjen e tij, për Shokët e tij dhe për të gjithë ata që i pasuan me mirësi deri në Ditën e Gjykimit.

E më pas:

Vërtet, Komisioni i Përhershëm për Hulumtime Akademike dhe Fetva i rishikoi pyetjet që iu parashtruan, si dhe mendimet e artikujt që janë përhapur nëpër mediat e informacionit, në lidhje me:

- thirrjen për “unifikim të feve”: feja Islame, feja Çifute dhe feja e Krishtere, si edhe thirrjet e tjera që degëzohen nga ajo thirrje;
- thirrja për ndërtimin e xhamive, kishave dhe sinagogave në një ambient të përbashkët, në hapsirat e universiteteve, aeroporteve dhe shesheve publike;
- thirrja për botimin e Kur`anit Fisnik me Teuratin dhe Inxhilin në një libër të vetëm, si dhe gjurmë të tjera të kësaj thirrjeje (për unifikimin e feve), si dhe mbajtja e konferencave, simpoziumeve dhe asambleve në Lindje e në Perëndim.

Dhe mbasi që i shqyrtoi dhe i studjoi këto çështje, Komisioni vendosi si më poshtë:

Së pari: prej bazave të besimit në Islam, të cilat janë të njohura domosdoshmërisht në këtë fe dhe për të cilat Muslimanët kanë unanimitet, është se nuk ekziston në faqen e tokës asnjë fe e vërtetë përpos fesë Islame dhe se ajo është feja e fundit dhe shfuqizuesja e të gjitha feve, besimeve dhe ligjeve që kanë qenë përpara saj, kështu që nuk mbetet në faqen e tokës asnjë fe me të cilën mund të adhurohet Allahu, përpos fesë Islame. Ka thënë Allahu i Lartësuar:

وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَسِرِينَ ﴿٨٥﴾

“Dhe kush kërkon fe tjetër pos Islamit, ajo fe kurrë s’do t’i pranohet atij dhe ai ka për të qenë Ditën e Kijametit prej të humburve.”¹

Dhe Islami është feja me të cilën erdhi Muhamedi - *sal-lAllahu ‘alejhi ue sel-lem* - dhe nuk është asnjë fe tjetër pos asaj.

Së dyti: prej bazave të besimit në Islam është se Libri i Allahut të Lartësuar, Kur`ani Fisnik, është i fundit nga librat e Allahut, i zbritur nga Zoti i gjithësisë. Ai është shfuqizues i atyre që zbritën para tij: Teurati, Zeburi, Inxhili etj., dhe ai është dëshmues për ta. Kështu që, nuk mbetet asnjë libër i shpallur, me të cilin mund të adhurohet Allahu, përpos Kur`anit Fisnik. Ka thënë Allahu i Lartësuar:

وَأَنْزَلْنَا إِلَيْكَ الْكِتَابَ بِالْحَقِّ مُصَدِّقًا لِمَا بَيْنَ يَدَيْهِ مِنَ الْكِتَابِ وَمُهَيْمِنًا عَلَيْهِ ۖ
فَأَحْكُم بَيْنَهُم بِمَا أَنْزَلَ اللَّهُ وَلَا تَتَّبِعْ أَهْوَاءَهُمْ عَمَّا جَاءَكَ مِنَ الْحَقِّ ۚ

“Ne të kemi zbritur ty Librin me të vërtetën, si përmbushës të shkrimeve të mëparshme dhe dëshmues të tyre. Prandaj gjykoji ata sipas asaj që të ka zbritur Allahu dhe mos ndiq dëshirat e tyre, duke u shmangur kështu nga e Vërteta që të është shpallur.”²

¹ Aali-Imran, 85.

² El-Ma`ideh, 48.

Së treti: është detyrë që të besohet se Teurati dhe Inxhili janë shfuqizuar nga Kur`ani Fisnik dhe se të dy ata kanë pësuar deformime dhe ndryshime, me shtesa dhe mangësime, sikurse ka ardhur sqarimi i kësaj në disa ajete në Librin Fisnik të Allahut. Mes atyre ajeteve është Fjala e Allahut të Lartësuar:

فَبِمَا نَقْضِهِمْ مِيثَاقَهُمْ لَعَنَّاهُمْ وَجَعَلْنَا قُلُوبَهُمْ قَاسِيَةً يُحَرِّفُونَ الْكَلِمَ عَنْ مَوَاضِعِهِ وَنَسُوا حَظًّا مِمَّا ذُكِّرُوا بِهِ ۚ وَلَا تَزَالُ تَطَّلِعُ عَلَى خَائِنَةٍ مِنْهُمْ إِلَّا قَلِيلًا مِّنْهُمْ

“Për shkak se ata e thyen besëlidhjen e tyre, Ne i mallkuam ata dhe ua bëmë zemrat të ngurta. Ata i kanë shtrembëruar fjalët e Shkrimeve të shenjta dhe kanë harruar një pjesë të mirë nga ato këshilla. Ti përherë do ta vëresh tradhtinë e tyre, përveç një pakice të tyre...”³

Dhe Fjala e Allahut të Madhërishëm e të Lartësuar:

فَوَيْلٌ لِلَّذِينَ يَكْتُبُونَ الْكِتَابَ بِأَيْدِيهِمْ ثُمَّ يَقُولُونَ هَذَا مِنْ عِنْدِ اللَّهِ لِيَشْتَرُوا بِهِ ثَمَنًا قَلِيلًا
فَوَيْلٌ لَهُمْ مِّمَّا كَتَبَتْ أَيْدِيهِمْ وَوَيْلٌ لَهُمْ مِّمَّا يَكْسِبُونَ

“Mjerë ata që me duart e tyre shkruajnë Librin, e pastaj thonë: “Kjo është prej Allahut” që për këtë të kenë ndonjë dobi të vogël (materiale). Mjerë ata për çfarë kanë shkruar me duart e tyre dhe mjerë ata për çfarë kanë fituar!”⁴

Dhe Fjala e Allahut të Përsosur nga çdo e metë:

³ El-Ma`ideh, 13.

⁴ El-Bekarah, 79.

وَإِنَّ مِنْهُمْ لَفَرِيقًا يَلُودْنَ أَلْسِنَتَهُم بِالْكِتَابِ لِتَحْسَبُوهُ مِنَ الْكِتَابِ وَمَا هُوَ مِنَ الْكِتَابِ

وَيَقُولُونَ هُوَ مِنْ عِنْدِ اللَّهِ وَمَا هُوَ مِنْ عِنْدِ اللَّهِ وَيَقُولُونَ عَلَى اللَّهِ الْكَذِبَ وَهُمْ يَعْلَمُونَ ﴿٧٨﴾

“Me të vërtetë, një grup ithtarësh të Librit e shtrembërojnë Librin me gjuhët e tyre (ndërsa e lexojnë atë), që ju të mendoni se ai farë leximi është prej Librit (që ka zbritur Allahu), kurse në të vërtetë, nuk është prej Librit. Ata thonë: “Kjo që lexojmë është nga Allahu”, por ajo nuk është nga Allahu. Ata flasin gënjeshtër për Allahun, duke qenë të vetëdijshëm për këtë.”⁵

Dhe prandaj, ajo që është e saktë në ato libra është shfuqizuar me Islamin, kurse çdo gjë tjetër është e deformuar ose e ndryshuar.

Dhe ka ardhur në transmetim të saktë nga Pejgamberi - *sal-lAllahu 'alejhi ue sel-lem* -, se ai u zemërua kur pa që ‘Umeri kishte një fletë, në të cilën kishte disa fragmente nga Teurati, dhe ai - ‘*alejhis-salatu ues-selam* - i tha:

أفي شك أنت يا ابن الخطاب؟! ألم أت بها بيضاء نقية؟!
لو كان أخي موسى حيًا ما وسعه إلا اتباعي.

“A mos vallë ke dyshim o i biri Khatabit?! A nuk të ka ardhur e vërteta e bardhë dhe e kulluar?! Sikur vëllai im Musa të kishte qenë gjallë, s’do të kishte patur asnjë rrugëzgjidhje tjetër përveç pasimit tim.”⁶

Së katërti: prej bazave të besimit në Islam është se Profeti dhe i Dërguari jonë, Muhamedi - *sal-lAllahu 'alejhi ue sel-lem* -, ai është vula e të gjithë Profetëve dhe të Dërguarve, sikurse ka thënë Allahu i Lartësuar:

مَا كَانَ مُحَمَّدٌ أَبَا أَحَدٍ مِّن رِّجَالِكُمْ وَلَٰكِن رَّسُولَ اللَّهِ وَخَاتَمَ النَّبِيِّينَ ۚ وَكَانَ اللَّهُ بِكُلِّ شَيْءٍ عَلِيمًا ﴿٢٥٣﴾

⁵ Aali-Imran, 78.

⁶ E ka transmetuar Ahmedi, Darimiu dhe të tjerë.

“Muhamedi nuk është babai i askujt prej burrave tuaj, por është i Dërguari i Allahut dhe vula e profetëve; Allahu është i Gjithëdijshtëm për çdo gjë.”⁷

Kështu që, s’mbetet asnjë i dërguar që duhet të pasohet detyrimisht, përpos Muhamedit - *sal-lAllahu ‘alejhi ue sel-lem* -, dhe sikur të kishte qenë gjallë ndonjë nga profetët apo të dërguarit e Allahut, ai s’do të kishte patur asnjë rrugëzgjidhje tjetër përveç pasimit të tij - *sal-lAllahu ‘alejhi ue sel-lem* -, edhe pasuesit e tij s’do të kishin patur asnjë rrugëzgjidhje tjetër përveç pasimit të tij, sikurse ka thënë Allahu i Lartësuar:

وَإِذْ أَخَذَ اللَّهُ مِيثَاقَ النَّبِيِّينَ لَمَا آتَيْتُكُم مِّنْ كِتَابٍ وَحِكْمَةٍ ثُمَّ جَاءَكُمْ رَسُولٌ مُّصَدِّقٌ لِّمَا مَعَكُمْ لَتُؤْمِنُنَّ بِهِ وَلَتَنْصُرُنَّهُ قَالَ أَأَقْرَرْتُمْ وَأَخَذْتُمْ عَلَىٰ ذَٰلِكُمْ إِصْرِي^ط
قَالُوا أَقْرَرْنَا قَالَ فَاشْهَدُوا وَأَنَا مَعَكُمْ مِنَ الشَّاهِدِينَ ﴿٨١﴾

“Kujto kur Allahu mori besëlidhjen nga profetët (dhe u tha): “Çfarëdo që t’ju jap prej Librit dhe urtësisë, kur t’ju vijë një i Dërguar, vërtetues i asaj që ju është dhënë, pa dyshim që duhet ta besoni dhe ta ndihmoni atë! A e pranoni këtë dhe barrën që po ju ngarkoj?” Ata u përgjigjën: “E pranojmë”. (Allahu) u tha: “Atëherë dëshmoni, se edhe Unë bashkë me ju jam dëshmitar.”⁸

Edhe Profeti ‘Ijja - *‘alejhis-salatu ues-selam* - kur të zbresë në fundin e kohës, do të jetë pasues i Muhamedit - *sal-lAllahu ‘alejhi ue sel-lem* - dhe do të gjykojë me sheriatin e tij.

Ka thënë Allahu i Lartësuar:

⁷ El-Ahzab, 40.

⁸ Aali-Imran, 81.

الَّذِينَ يَتَّبِعُونَ الرَّسُولَ النَّبِيَّ الْأُمِّيَّ الَّذِي يَجِدُونَهُ مَكْتُوبًا عِنْدَهُمْ فِي التَّوْرَةِ وَالْإِنْجِيلِ

“... dhe atyre që ndjekin të Dërguarin Tonë, Profetin që nuk di shkrim e lexim, të cilin ata do ta gjejnë të shënuar në shkrimet e tyre, në Teurat dhe Inxhil.”⁹

Kësisoj - prej bazave të besimit në Islam - është edhe besimi që Muhamedi - *sal-lAllahu ‘alejhi ue sel-lem* - është dërguar për të gjithë njerëzimin. Ka thënë Allahu i Lartësuar:

وَمَا أَرْسَلْنَاكَ إِلَّا كَافَّةً لِّلنَّاسِ بَشِيرًا وَنَذِيرًا وَلَٰكِنَّ أَكْثَرَ النَّاسِ لَا يَعْلَمُونَ

“Ne të kemi dërguar ty vetëm si përgëzues dhe paralajmërues për të gjithë njerëzimin, por shumica e njerëzve nuk dinë.”¹⁰

Dhe ka thënë i Përsosuri nga çdo e metë:

قُلْ يَأَيُّهَا النَّاسُ إِنِّي رَسُولُ اللَّهِ إِلَيْكُمْ جَمِيعًا

“Thuaj: O njerëz, vërtet unë jam i dërguari i Allahut për të gjithë ju.”¹¹

Si dhe ajete të tjera.

Së pesti: prej bazave të besimit në Islam është se: është obligim që të besohet se çdo kush që nuk hyn në Islam, qoftë Çifut, i Krishterë etj., është qafir dhe duhet të quhet qafir, se ai është armik i Allahut dhe i të Dërguarit të Tij dhe i besimtarëve, dhe se ai është prej banorëve të Zjarrit, sikurse ka thënë i Lartësuari:

⁹ El-E’araf, 157.

¹⁰ Sebe`e, 28.

¹¹ El-E’araf, 158.

لَمْ يَكُنِ الَّذِينَ كَفَرُوا مِنْ أَهْلِ الْكِتَابِ وَالْمُشْرِكِينَ مُنْفَكِّينَ حَتَّى تَأْتِيَهُمُ الْبَيِّنَةُ ﴿٦١﴾

“Ata që nuk besojnë prej ithtarëve të Librit dhe idhujtarëve, nuk do të largoheshin (nga mosbesimi i tyre), derisa t’u vinte Dëshmia e qartë.”¹²

Dhe ka thënë Allahu i Madhërishëm e i Lartësuar:

إِنَّ الَّذِينَ كَفَرُوا مِنْ أَهْلِ الْكِتَابِ وَالْمُشْرِكِينَ فِي نَارِ جَهَنَّمَ خَالِدِينَ فِيهَا أُولَئِكَ هُمْ شَرُّ الْبَرِيَّةِ ﴿٦٢﴾

“Në të vërtetë, ata që nuk besojnë prej ithtarëve të Librit dhe idhujtarëve, do të hyjnë në zjarrin e Xhehenemit, në të cilin do të mbeten përgjithmonë. Ata janë krijesat më të këqija.”¹³

Si dhe ajete të tjera si kjo.

Dhe ka ardhur në transmetim të saktë, në Sahihun e Muslimit, se Pejgamberi - sal-lAllahu ‘alejhi ue sel-lem - ka thënë:

وَالَّذِي نَفْسِي بِيَدِهِ لَا يَسْمَعُ بِي أَحَدٌ مِنْ هَذِهِ الْأُمَّةِ ، يَهُودِيٍّ وَلَا نَصْرَانِيٍّ ، ثُمَّ يَمُوتُ وَلَمْ يُؤْمِنْ بِالَّذِي أُرْسِلْتُ بِهِ إِلَّا كَانَ مِنْ أَهْلِ النَّارِ.

“Betohem në Atë, në Dorën e të Cilit është vetja ime, nuk ka njeri nga këto bashkësi, Çifut apo i Krishterë, që dëgjon për mua dhe vdes pa besuar në shpalljen me të cilën u dërgova unë, vetëm se ka për të qenë prej banorëve të Zjarrit.”

Dhe prandaj, kush nuk i bën qafira Çifutët dhe të Krishterët është vet qafir, duke u bazuar në parimin e Sheriatit: Ai që nuk e bën qafirin qafir është vet qafir.

¹² El-Bejjineh, 1.

¹³ El-Bejjineh, 6.

Së gjashti: e duke patur parasysh këto parime të besimit dhe këto fakte sheriatike, s’ka dyshim se thirrja për “unifikimin e feve” dhe “afrim midis feve” dhe shkrirja e tyre në një kallëp të vetëm është thirrje e fëlliqte e komplotiste, me të cilën synohet përzierja e të vërtetës me të pavërtetën, shkatërrimi i Islamit, tjetërsimi i themeleve të tij dhe tërheqja e pasuesve të Islamit drejt felëshimit total, gjë e cila vërtetohet në Fjalën e Allahut të Përsosur nga çdo e metë:

وَلَا يَزَالُونَ يُقَاتِلُونَكُمْ حَتَّى يَرُدُّوكُمْ عَنْ دِينِكُمْ إِنِ اسْتَطَعُوا

“Dhe ata s’do të rreshtin së luftuari ju, derisa t’ju largojnë nga feja juaj, nëse kanë mundësi.”¹⁴

Dhe Fjala e Allahut të Madhërishëm e të Lartësuar:

وَدُّوا لَوْ تَكْفُرُونَ كَمَا كَفَرُوا فَتَكُونُونَ سَوَاءً

“Ata dëshirojnë që edhe ju të mos besoni, ashtu siç nuk besojnë vetë dhe të bëheni të njëjtë me ata.”¹⁵

Së shtati: vërtet, nga gjurmët e kësaj thirrjeje të poshtër është:

- Heqja e dallimeve midis Islamit dhe kufrit, midis të vërtetës dhe të pavërtetës dhe midis të mirës dhe të keqes;
- Thyrja e barrierës ndarëse midis Muslimanëve dhe qafirave;
- Rrjedhimisht nuk ka miqësi dhe armiqësi (*el-Uelaa` uel-Beraa`*);
- Nuk ka Xhihad dhe luftë për lartësimin e Fjalës së Allahut në tokën e Allahut, ndërkohë që Allahu i Madhërishëm dhe i Pastër nga çdo e metë thotë:

¹⁴ El-Bekarah, 217.

¹⁵ En-Nisaa`, 89.

فَقَاتِلُوا الَّذِينَ لَا يُؤْمِنُونَ بِاللَّهِ وَلَا بِالْيَوْمِ الْآخِرِ وَلَا يُحَرِّمُونَ مَا حَرَّمَ اللَّهُ وَرَسُولُهُ وَلَا يَدِينُونَ دِينَ الْحَقِّ مِنَ الَّذِينَ أُوتُوا الْكِتَابَ حَتَّى يُعْطُوا الْجِزْيَةَ عَنْ يَدٍ وَهُمْ صَاغِرُونَ ﴿٦١﴾

“Luftojini ata që nuk besojnë në Allahun e as në Ditën e Kijametit, që nuk e marrin për të ndaluar atë që e ka ndaluar Allahu dhe i Dërguari i Tij, dhe ata, midis atyre që u është dhënë Libri, që nuk e pranojnë fenë e vërtetë, derisa të japin xhizjen (taksën) me dorën e tyre, duke qenë të përvuilur.”¹⁶

Dhe thotë Allahu i Madhërishëm e i Lartësuar:

وَقَاتِلُوا الْمُشْرِكِينَ كَافَّةً كَمَا يُقَاتِلُونَكُمْ كَافَّةً وَاعْلَمُوا أَنَّ اللَّهَ مَعَ الْمُتَّقِينَ ﴿٦٢﴾

“Luftojini të gjithë idhujtarët, ashtu si luftojnë ata të gjithë kundër jush. Ta dini se Allahu është me ata që ruhen nga gjynahet.”¹⁷

Së teti: se thirrja për “unifikimin e feve” nëse vjen nga një Musliman, atëherë kjo konsiderohet dalje e qartë nga feja Islame, sepse ajo thirrje bie ndesh me parimet themelore të besimit, kënaqet me mosbesimin në Allahun - ‘Azze ue Xhel-le -, hedh poshtë vërtetësinë e Kur`anit dhe shfuqizimin e tij ndaj të gjitha librave të mëparshëm dhe shfuqizimin e Islamit ndaj të gjitha shëriateve dhe feve që kanë qenë para tij. Prandaj, kjo është ide e refuzuar me Sheriat, e ndaluar rreptësisht me të gjitha argumentet shëriatike në Islam, me Kur`an, me Sunet dhe me Unanimitetin e Dijetarëve të Islamit.

Së nënti: bazuar në ato që u përmendën:

¹⁶ Et-Teubeh, 29.

¹⁷ Et-Teubeh, 36.

1 - nuk i lejohet Muslimanit që beson Allahun si Zot, Islamin si fe dhe Muhamedin - sal-lAllahu ‘alejhi ue sel-lem - si peygamber dhe i dërguar, që të thërrasë në këtë ide të poshtër, t’i nxisë të tjerët tek ajo dhe ta përhapë mes Muslimanëve, aq më tepër që ta pranojë atë dhe të hyjë në konferencat dhe simpoziumet e kësaj thirrjeje dhe të anëtarësohet në qarqet e saj.

2 - nuk i lejohet Muslimanit që ta botojë Teuratin dhe Inxhilin në dy libra të mëvetësishëm, e si mund të lejohet që t’i botojë ato bashkë me Kur`anin në një libër të vetëm!! Dhe kush e bën këtë ose thërret për ta bërë këtë, ai është në devijim të thellë, për shkak se këtu ka bashkim të së vërtetës - që është Kur`ani Fisnik - me atë që është i deformuar ose është i vërtetë (i shpallur nga Allahu) porse është shfuqizuar - që është Teurati me Inxhilin -.

3 - Po ashtu, nuk i lejohet Muslimanit që ta pranojë këtë thirrje: ndërtimin e xhamisë, kishës dhe sinagogës në një vend të përbashkët, për arsye se kjo përmban njohje dhe pranim të adhurimit të Allahut me fe të tjetra përveç fesë Islame, refuzim të shfaqjes së Islamit përmbi të gjitha fetë e tjera dhe thirrje konkrete në idenë që njerëzit në tokë mund zgjedhin cilën të duan nga tre fetë dhe se ato janë të barabarta dhe se Islami nuk është shfuqizues i feve që kanë qenë përpara tij.

S’ka dyshim që pohimi i kësaj apo besimi në të apo kënaqja me të është kufër dhe devijim, sepse kjo është kundërshtim i hapur i Kur`anit Fisnik, i Sunetit të Pastër dhe i Unanimitetit të Dijetarëve të Muslimanëve, si dhe është njohje dhe pranim që shtrembërimet e Çifutëve dhe të Krishterëve janë nga Allahu - i Lartësuar është Allahu nga një gjë e tillë -; dhe po ashtu nuk lejohet quajtja e kishave “shtëpitë e Allahut” dhe të thuhet që njerëzit e tyre adhurojnë Allahun në to dhe adhurimi i tyre është i saktë dhe i pranuar nga Allahu sepse ato janë adhurime që ndryshojnë nga ato të fesë Islame. Ndërsa Allahu i Lartësuar thotë:

وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَسِرِينَ

“Kush kërkon tjetër fe përveç Islamit, nuk do t’i pranohet dhe ai në botën tjetër do të jetë prej të humburve.”¹⁸

Përkundrazi, ato janë shtëpi ku i bëhet kufër Allahut! Allahut i kërkojmë që të na ruajë nga kufri dhe njerëzit e kufrit.

Ka thënë Shejkhul-Islam Ibën Tejmijeh - Allahu i Lartësuar pastë mëshirë për të - në “Mexhmu’ul-Fetaua” (22/162):

“Ato - sinagogat dhe kishat - nuk janë shtëpitë e Allahut, porse shtëpitë e Allahut janë xhamitë, sepse sinagogat dhe kishat janë shtëpi ku i bëhet kufër Allahut, ndonëse Ai përmendet në to. Pra, shtëpitë janë sipas gjendjes së njerëzve të tyre, dhe njerëzit e sinagogave dhe kishave janë qafira, kështu që ato janë shtëpitë e adhurimit të qafirave.”

Së dhjetë: gjithashtu duhet të dihet se është obligim për çdo Musliman që të thërrasë në Islam qafirat në përgjithësi dhe Ithtarët e Librit në veçanti, në sajë të teksteve të qarta që kanë adhur në Kur’an dhe në Sunet, mirëpo kjo duhet të bëhet vetëm me anë të sqarimit dhe debatimit në mënyrën më të mirë, e jo duke lëshuar ndonjë gjë nga ligjet e Islamit, në mënyrë që të arrihet kënaqësia e tyre me Islamin dhe të hyjnë në Islam, ose që të ngrihet argumenti kundër tyre.

لِيَهْلِكَ إِذْ مِنْ هَلَاكَ عَنْ بَيِّنَةٍ وَيَحْيَىٰ مَنْ حَيَّ عَنْ بَيِّنَةٍ

“Në mënyrë që kush të shkatërrohet, të shkatërrohet duke qenë në argument të qartë, dhe kush jeton, të jetojë duke qenë në argument të qartë.”¹⁹

¹⁸ Aali-Imran, 85.

¹⁹ El-Enfal, 42.

Ka thënë Allahu i Lartësuar:

قُلْ يَٰٓأَهْلَ ٱلْكِتَٰبِ تَعَالَوْا۟ إِلَىٰ كَلِمَةٍ سَوَآءٍ بَيْنَنَا وَبَيْنَكُمْ أَلَّا نَعْبُدَ إِلَّا ٱللَّهَ وَلَا نُشْرِكَ بِهِۦ شَيْئًا وَلَا يَتَّخِذَ بَعْضُنَا بَعْضًا أَرْبَابًا مِّن دُونِ ٱللَّهِ فَإِن تَوَلَّوْا۟ فَقُولُوا۟ ٱشْهَدُوا۟ بِأَنَّا مُسْلِمُونَ ﴿١٤٠﴾

“Thuaj: O ithtarët e Librit, ejani të biem në një fjalë të përbashkët mes nesh dhe jush: se do të adhurojmë vetëm Allahun, se nuk do t’i shoqërojmë Atij asgjë (në adhurim) dhe se nuk do ta mbajmë për zot njëri-tjetrin, në vend të Allahut! Nëse ata nuk pranojnë, atëherë thuaju: Dëshmoni se ne jemi Muslimanë!”²⁰

Ama të polemizosh me ta, të takohesh me ta dhe të debatosh me ta për të plotësuar dëshirat e tyre, për të realizuar synimet e tyre dhe për të shkatërruar lidhjet e Islamit dhe hallkat e Imanit, kjo është e kotë dhe nuk e pranon Allahu, as i Dërguari i Tij dhe as besimtarët - Allahu na ruajt nga ajo që thonë -. Ka thënë Allahu i Lartësuar:

وَٱحْذَرْهُمْ أَن يُفْتِنُوكَ عَنْ بَعْضِ مَا أُنزَلَ ٱللَّهُ إِلَيْكَ ۖ

“Ki kujdes nga ata që ata mos të të nxisin të largohesh nga një pjesë e asaj që të ka shpallur Allahu!”

Kështu që, Komisioni i Përhershëm me këtë vendim dhe këtë sqarim që bën për njerëzit, i këshillon Muslimanët në përgjithësi dhe njerëzit e dijes në veçanti që të kenë frikë Allahun e Lartësuar dhe ta kenë gjithmonë ndërmend Atë, ta mbrojnë Islamin, ta ruajnë Akijden e Muslimanëve nga devijimi dhe thirrësat e tij, nga kufri dhe thirrësat ithtarët e tij, si dhe t’i paralajmërojnë Muslimanët që të ruhen nga kjo thirrje e kufrit dhe e devijimit - “unifikimi i feve” - dhe të mos bien në grackat e saj. Allahut i lutemi që ta ruajë çdo Musliman që të mos bëhet sepër i futjes së këtij devijimi në vendet e Muslimanëve dhe përhapjes së tij mes tyre.

²⁰ Aali-Imran, 64.

Lusim Allahun e Përsosur nga çdo e metë, me Emrat e Tij të Bukur dhe Cilësitë e Tij të Larta: që të na ruajë të gjithë ne nga fitnet devijuese dhe që të na bëjë udhëzues e të udhëzuar, mbrojtës të Islamit, në udhëzim e dritë nga Zoti ynë, derisa të takohemi me Të dhe Ai të jetë i kënaqur nga ne.

Suksesi vjen vetëm nga Allahu.

Allahu i dhëntë lavdërime e paqe Pejgamberit tonë, Muhamedit, si dhe Familjes së tij dhe të gjithë Shokëve të tij.

Fetvaja numër 19402, lëshuar më datë 25/1/1418 Hixhrij,
nga Komisioni i Përhershëm për Hulumtime Akademike dhe Fetva në
Arabinë Saudite.

Kryetari i Komisionit: Shejkh ‘Abdul-‘Azijz Ibën Baz

Nënkryetar: Shejkh ‘Abdul-‘Azijz Aali-Shejkh

Anëtar: Shejkh Bekr Ebu Zejd

Anëtar: Shejkh Salih el-Feuzan

Përktheu: Alban Malaj
8 Muharram 1436 Hixhrij/1 Nëntor 2014 Miladij
‘Auali/Mekkeh